

Radunonza generala  
Forum cultural Tujetsch  
28.10.2007  
Hotel Cruna

**Beinvegni:** Allas 20.00 arva il president André Schmid la 9avla radunonza generala e fa a tuts presents in cordial beinvegni. Quei ein 16 personas, inclusiv la suprastonza dil Forum. Perstgisau han Rita Berther, Rueras e Tumaisch Valier, Camischolas

**Protocol:** Il protocol dalla davosa radunonza general 2006 vegn legius avon. Malgrad che las cefras dil quen digl onn vargau muncavan en quel eis el vegnius approbaus dals presents.

**Rapport:** Sco usitau ei il rapport dil president vegnius publica en la davosa Tuatschina. Aschia vegnan tals che ein buca alla radunonza era orientai pertuccont il luvrar dalla union. Il president retuorna cuort anavos sur dil passau:

- Putnengia: Vid la ruina da Putnengia ei vegniu fatg ton sco nuot. Il motiv ei che l'anflada dil mir el vest dalla tuor han ins stuiu midar il plan da lavur ed excavaziuns. Quei pretenda in niev plan, autras lavurs e dapli finanzas. Ils responsabels dil cantun han pretendiu quei plan per che era nus setenien vid quel e las lavurs hagian ina certa continuaziun.
- La fiasta da honoraziun da nies scribent Vic Hendry ei gartegiada ed ha schau anavos in bien resun. Era il Vic Hendry ei staus satisfatgs e persunter havein nus giu la cuida da survegnir regalau dad el la vischala veglia dal Hafner da Bugnei ch'el ha giu rimnau. Ulteriuramein ha el empermess sia biblioteca. Giavischa denton che nus mireien per in plaz adattau per quella.
- Il baghetg a Plaun Miez ei vegnius renovaus e curvretgs cun in tetg da crap, quei muort las stentas dal Forum. Ils daners dil cantun ein buca aunc vegni, denton quintein nus da saver finir quei e remunerar aschia ils frars Giger per lur agir en quei connex.
- Medemamein terminadas ein las lavurs vid il begl e suschna a Zarcuns. Era cheu spitgein nus aunc contribuziuns dil cantun.
- Project Slondas: Quei project ei vegnius instradaus el decuors digl onn per animar possessurs da baghetgs da mantener tetgs da slondas mo era da segidar cun els. Igl uffeci forestal ha perquei intent engaschau personas dil fatg per instruir co pinar lenna e tagliar slondas sinaquei che talas san era vegnidadas vendidas per in andant preci.
- Sera da films: La sera da films ei pli che gartegiada. Donn ch'ins ha buca giu la pusseivladad da mussar ils films ora el liber. Denton la gronda raspada ha dau in segn che quella porschida vegn preziada.

Ils presents han priu encunter ed approbau il rapport. Sulet duas objecziuns ein vegnidadas fatgas. Ina ei la correctura da vegliadetgna dal Vic Hendry e l'autra vegn ei giavischau dapli informaziuns sur dallas finanzas dil project dalla ruina da Putnengia.

**Rendaquen:** Il cassier dat in cuort mo detagliau rapport dil quen digl onn vargau. Las grondas entradas ein stadas ca. 15'000 francs dil cantun per Putnengia, la vendita dil calender, la fiasta dal Vic Hendry e la sera da films che han mintgamai schau in mudest recav schuber. Ulteriuramein eis ei adina puspei da menziunar cons commembers e fautors che sustegnan nossa lavur. Cheu cuort las cefras da bilanza dil quen:

	Conto current	Conto Putnengia	total en
	73'221.10	7322.69	cassa 11.10.06
En cassa ils 13.10.2005	2'514.45		
Entrads 2006/ 07	30'327.15	147'966.70	
Expensas 2006/ 07	20'396.40	119'899.70	
Saldo pils 11.10.2006	12'445.20	28'067.00	<b>40'512.20</b>

**Revisiun:** La revisura Barla Monego ha fatg sia lavur e stada tier il cassier fagend la revision dil quen. Tenor ella ei quel vegnius menaus bein ed endretg. Tuts mussaments segien avon maun. Ella propona dad acceptar quel e da dar scarica alla suprastanza per lur buna lavur. Ils radunai suondan ella e fan quei unanimamein.

Contribuziuns. Sin proposta dalla suprastanza vegn quella schada sco tochen cheu cun 30.- francs per commembers e summa libra per fautors.

Program da lavur:

- ▶ Putnengia: Sperond sin in bien plan ed in gie dal cantun sperein da saver continuar cun las lavurs. Previu ei d'allontaner material entuorn la tuor. Endadens sanar ils mirs sco ei fa basegns.
- ▶ Slondas: Sco gia giu menziunau vegn il forum ensemen cun igl uffeci forestal a promover possesurs da far tetgs da slondas. Leutier vulan ins segidar ton sco pusseivel.
- ▶ Biblioteca /archiv cultural: El baghetg dalla casa da scola ein ins vid la tiarza e davosa etappa. En quei connex vegn era il local denter scoletta e halla da gimnastica sanaus. Cheu quantan ins ferm da saver far il local aschia ch'igl ei pusseivel d'integrar la biblioteca e tuttina haver vinavon in local per exposiziuns ni auter diever cultural.
- ▶ Sera da films: l'idea tgei films mussar ein avon maun. Quels ein denton aunc da semtgar per quella sera.
- ▶ L'excursiun previda quest atun enta Val ei vegnida spussada muort mo pauc interess. Tuttina vulein nus turner a scriver ora quella interessanta excursiun. Nus vulein sescuntrar cun ils responsabels da Val, mirar lur museum e schar raquintar els sur da lur historia.
- ▶ Cun il calendar per igl onn 2008 continuein
- ▶ Pli liunga discussiun dattan las ovras da Pader Baseli Berther da Dieni. Tarcisi Hendry ha ton sco rimnau tut quei ch'ei pusseivel. Ei detti aunc manuscrets egl archiv claustral a Muster che segien mai stai publichai. Sin giavisch dils presents vegn priu avon da finalmein saver realisar quella ovra e far pusseivel da saver edir sin il giubileum da 10 onns dil Forum.

Varia: il president communal Pancrazi Berther pren la caschun ed engrazia per la buna lavur prestada. El hagi fatg persen che prest tuts projects pri avon segien vegni exequi. Quei seigi buca adina il cass e mo da gratular. Gest questa sera seigi el sentuppaus cun sgr. Robert Monn, quel hagi regalau alla vischnaunca pliras scartiras veglias, denterauter era igl entir quen dalla construcziun dalla casa dil museum. Medemamein hagian els vinavon contact cun il Vic Hendry. Era lez hagi empermess aunc interessantas scartiras, denton vegli el regalar quellas per il mument che la biblioteca vegni inagurada.

Medemamein engrazia era Vigeli Giossi als responsabels per igl engaschi en caussa da cultura. Cun quels votums ha il president Andre Schmid saviu serrar la radunonza e giavischar ina buna notg a tuts presents.

Rueras 29.10.2006

Igl actuar Bruno Berther